

Editor : Vanlalnunpuii Hmar

Jt. Editor : V. Laikhuma

Office Address:

Divisional Forest Officer,
Forest Extension Division,
PCCF's Office Building,
Tuikhuatlang, Aizawl,
796001, Mizoram.

Phone/Fax:

0389-2323302

E-mail:

efextension16@gmail.com

forestkhawvel2015@yahoo.com

FOREST KHAWVEL



April – June, 2023

Vol. XXIV Issue No. 5

GREEN MIZORAM DAY HMAN A NI

'Thing phun ila, enkawl zui ang u'

June ni 9, 2023 khan Mizoram hmun hrang hrangah Green Mizoram Day hman a ni a, thupui atan '**Thing phun ila, enkawl zui ang u'** tih hman a ni. Aizawlah chuan Chief Minister, Pu Zoramthanga hovin Sihphir Kawnvenga Rohrenga Hall-ah hman a ni a, Chief Minister chuan, thing phun tur thlan uluk leh thing phunte enkawl zui a pawimawh thu a sawi.

Green Mizoram Day hi Environment, Forest & Climate Change (EFCC) Department buatsaihin hman a ni a; Aizawla a hmanna inkhawm hi PCCF RK Singh-a'n a kaihuai a, EFCC minister TJ Lahnuntluanga, MLA Ramthanmawia leh Padma Shree dawngtu KC Runremsangi te bakah sorkar department dang, environment leh forest kaihhnawih zual bik pawhin an hmanpui.

Green Mizoram Day hi June 11-ah hman thin a ni nain, kuminah chuan Pathianni a nih avangin ni 9 June, 2023 Zirtawpni khan hman a ni. He ni hmannaah hian ram kâng tur veng tha lawmman leh ram kâng venna awareness video clip insiamsiak lawmman sem a ni a; inkhawm zawhah Sakawrhmuutuai tlangah Tlaizawng, Vaube, Kuangthlí leh Ngiau tiakte phun a ni.

Khuallian, Pu Zoramthanga chuan, thing phun chauh duh tâwk loa enkawl zel a tul thu sawiin, "Ram thang zelah kan thing phunte hi a hmun azirin uluk a pawimawh em em a, Khawpui chhung leh mihring chênnha hnaiha phun leh ramhnuia phun turte thlan uluk a tul a, enkawl zui zel pawh a awlsam phah ngei ang," a ti a ni.



Editor's Desk:

Tun tum Forest Khawvel issue thi a hunah a chhuak hman ta lo va, a chhan pawh financial year thar a lo ni a, sorkar dan ang diak diaka engkim tih a ngaih thin vang a ni. Kan rate hman lai angin a chhut (print) chhunzawm theih tâk loh avang leh hemi atan hian quotation vawi thum lai kan koh nawn vang a ni. Chhiartute hriathiamna ka ngen e.

Hetih lai hian kan rilru erawh chu ramngaw siam leh humhalh kawngah te, nungcha tinreng humhalh kawngah te, kan boruak leh khaw awm dan a ziaawm theih nana hmalakna kawngah te châwl lovin a kal reng tho a ni. Green Mizoram Day leh International Day for Biodiversity kan hmang zo hlimhlawt a, hei hian mi tin rilru-ah châwl lovin thu sawi zel thei se.

Kumin hian kan ramin kum dang angin ruahui a hmuh that tawk rih loh avangin June thla chhung chu a lum huam huam a ni ber. Mipui ṭawngkam leh ti ti-ah pawh kan ram ngaw enkawl danin a zir lo a ni ang e, tih chu kan hre ta fo mai. Hei hi mipui tam ber rilru tak tak a nih a, ram ngaw siam leh humhalhna kawnga kan harh deuh deuh theih nan ḫan i la zel ang u.

Vanlalnunpuii Hmar
Editor

Tunlai khawvelah hmasawnna leh ramngaw humhalhna chu kal kawptir thiam a ngai tih sawiin Pu Zoramthanga chuan, "Economy hmasawnna leh environment humhalhna hi thil tam taka inhal anga ngaih theihna awm mah se, ngun taka ngahtuahna sengin an kal kawp theih dan zawn zel a pawimawh. Green Mizoram Day puala thing kan phunte hi tha taka enkawl zuia, humhalh a nih a, Mizoram hring zawk, mawi zawk leh nuam zawk kan neih theihna turahbi pawimawh tak a nih ka beisei," a ti a; environment chhe tur venghim tlat chunga economy tih hmasawnna tur ngaihven a pawimawh thu a sawi bawk.

EF&CC Minister, Pu TJ Lalnuntluanga pawhin thu sawiin, "Environment humhalh kawnga sorkar hmatakate hi a hlawhtlin theihna turin mipui tawimna a tul a, Green Mizoram Day kalpui dan pawh a theih ang anga tih hmasawn zel tum a ni," a ti a; Central Nursery-ah thing tiak 2,00,000 vel lak tur a awm thu leh nursery dangle pawh thuam that mek a nih thu a sawi. He hunah hian kangmei ven kawnga hna thawk tha, district level leh village level bakah Kangmei ven video clip inelna lawmman sem nghal a ni bawk.

Green Mizoram Day hi Tribal Research Institute, Kelsihah pawh Social Welfare Minister, Er. Lalrinawma hovin hman a ni bawk.



Green Mizoram Day hi Mizoram hmun hrang hrangah hman a ni a, district tin leh hmun dang dangah hman a nih bakah, pawl eng emaw zatin an hmang a, thing eng emaw zat phun a ni.

Lunglei

Lungleiah chuan Pukpui Centenary hmunah hman a ni a, MLA Dr. K. Pachhunga'n a hmanpui. Lungleia sorkar department hrang hrang, VC leh NGO-te'n Lunglei leh Mausen inkar kawngpui dungah thing tiak 395 an phun. Lunglei District-a kângmei laka invênnna lama hma la tha khuate hnenah lawmman sem a ni a, hma la tha ber chu Tawipui South khua niin, Rs 50,000 hlan a ni.



Siaha

Siahaah chuan MADC Forest Hall-ah MADC Executive Member (EFCC) Tiahlei Syuhlo hoin hman a ni a, thing tiak 1,100 vel an phun. Kângmei veng tha ber Theiva khua hnenah lawmman Rs 50,000 hlan a ni a, chanchinbu zingah kangmei chungchanga mipui hnena zirtirna chhuah tha Kawl Eng hnenah Rs 3,000 hlan a ni.

Siaha district-ah kumin chhungin ram kâng vawi 214 a awm a, ram hectare 136-a zau leh reserved forest hectare 0.9-a zau a kâng chhia. Kuminah MADC-a EF&CC Department chuan thing 6,300 a phun tawh a ni.



Champhai

Chamhaiah chuan Bawrhsap, James Lalrinchhana hoin Nagar Van (Urban Forest)-ah hman a ni a; Nagar Van (Urban Forest) Champhai Zote leh LAD ram, New Champhaiah thing 1,940 vel an phun. Kângmei veng tha bera thlan Leithum khaw hnenah Rs 50,000 hlan a ni a, chanchinbu hmanga mipui zirtirna lama hma la tha ber, Pasaltha hnenah Rs 3,000 hlan a ni. Green Mizoram Day 2022-a thing phunte vil chhunzawmtu tha bera thlan Excise & Narcotics Department hnenah Rs 5,000 hlan a ni bawk.



Kolasib

Kolasib-ah chuan Excise & Narcotics Complex, Khuangpuilamah Bawrhsap, John LT Sanga kaihhruiin hman a ni a, MLA K. Laldawngiana'n a hmanpui. END Complex-ah thing pasarikh leh Thingdawl BDO compound-ah thing 162 phun a ni a, a duh apiang tan thing phun tur 10,000 ruahman a ni. Ram kâng tur veng tha bera thlan Bairabi North VC hnenah Rs 50,000 hlan a ni.



Serchhip

Serchhipah chuan Bawrhsap, Nazuk Kumar hoin DC Conference Hall-ah hman a ni a, sorkar department-leh tlawmngai pawl te'n Khawtetlangah thing phun hnatlang an nei nghal. Serchhip District-a kângmei veng tha bera thlan Khawbel hnênah lawmman Rs. 50,000 hlan a ni a; ramngaw humhalh turin kalkhawmte an intiam bawk.



Lawngtlai

Lawngtlaiah chuan Additional DC Abraham Beirazi Khithie hoin hman a ni a; sorkar department, zirna in, MJA leh tlawmngai pawl hrang hrangin Kaladan Multi Modal Transit Transport Project kawngpui sirah thing tiak 380 an phun. Village Level Fire Prevention Award-ah Thaltlang khua pakhatna niin, Rs 50,000 hlan a ni.



Mamit

Mamitah chuan bawrhsap V.L. Remliana hoin Luangpawlah Green Mizoram Day an hmang a, sorkar pisa hrang hrang bakah, pawl leh khawtlang hruaitute'n thing tiak 207 an phun. Kângmei veng tha bera thlan Rawpuichhip hnenah Rs 50,000 hlan a ni.



Raj Bhavan

Governor, Dr Hari Babu Kambhampati leh a nupui Dr Jayashree Kambhampati hoin Raj Bhavan-a

thawkte'n Green Mizoram Day pualin Raj Bhavan-a Circular Lawn sírah theihai tiak an phun a; Larsap chuan, "Khua leh tui zawng zawngte chu kum tin, kum khatah thing tiak pakhat tal emaw, a aia tam emaw phun ziah turin ka ngen a ni," a ti.



State NSS

State NSS chuan Green Mizoram Day hian Damdiai leh Hmuifang inkarah thing tiak 200 chuang an phun bakah, kum hmasa lama an thing phunte hmuhma sâm faïn an hnatlang a, Aizawla NSS leh zirna in hrang hranga NSS volunteer-te an thawk chhuak. Aizawl pâwn lam NSS unit te'n an remchan danin thing phun hnatlang an nei bawk.

Zoram Medical College

Zoram Medical College chuan an academic building-zah Green Mizoram Day an hmang a, Aizawl South-III bialtu MLA Prof. F Lalnunmawia'n a hmanpui. ZMC zirtirtu te, zirlaite leh thawktu dangte bakah, Falkawn VC te'n ZMC ram chhungah thing tiak 70 an phun a ni.



SRDC & HRDB

Siakal Range Development Council leh Human Resource Development Board-a thawkte chuan Green Mizoram Day pualin Reiek lama Tlawng kawngah thing phun hnatlang an nei a, SRDC Chairman leh HRDB Vice Chairman Dr. L. Thangmawia, MLA-in a hmanpui a ni.



TAMDIL WETLAND INTERPRETATION CENTRE & HERBARIUM HAWNG

Ramin hma a sawn chhoh mek laiin, mi thenkhatin hmasawnna nei lo leh ram kal danah mi ti beidawng thei zawnga thu thehdarh leh a chhe lam chauh sawi an awm thin tih minister TJ Lalnuntluanga chuan a sawi.

Tamdil Saituala 'Tamdil Wetland Interpretation Centre & Herbarium; a hawnnaah Environment, Forest & Climate Change minister TJ Lalnuntluanga chuan Chanchin Tha avangin Zoramin nasa takin hma a sawn a. Sawrkar hna thawk tawh zawng zawngte, ram hruaitu ni tawhte inpekna leh thawhrimna avangin Mizoram pawhin nasa takin hma a sawn, tiin, ramin hma a sawn lehzualna turin tih tak takna leh neitu thinlung pua hna thawh a ngai a; sawrkar hnathawk mekte pawh ram hmasawnna'n an hnaah tih tak takna nena thawk chhunzawm zel turin a chah tih a sawi.



Mizoramin hmasawnna a hmuu chhoh mek laiin, mi thenkhatten hmasawnna nei lo ang leh ram kal danah mipui tibeidawng thei zawnga thu thehdarh a, a chhe lam chauh sawi an awm thin tih sawiin, "Hei hian thalai, mipui vantlang a tihhnual thin a. A êng zawng leh beiseina nena hmathlir neih a ngai a, ngaihtuahna hman tlan a tul tawh takzet a ni," a ti. Zirlaite leh research ti turte tana tangkai tak tur 'Interpretation Centre & Herbarium' hawn a ni chu lawmawm a tih thu minister hian a sawi a. Hetiang hawng thei tura hawkute inpekna leh thawhrimna fakawm a tih thu a sawi a ni.

EF&CC Minister hian Tuiriala Central Nursery siam that leh chu a hawng nghal a. He nursery-ah hian thing tiak chi hrang hrang 30 chuang awmin, a vaiin tiak nuai 2 vel tunah an enkawl mek a ni.

SAHUANA DAH TUR SAKEI 2 LAK BELH

Environment, Forests & Climate Change Department, Mizoram chuan Aizawl Zoological Park-a dah tur Sakei (Royal Bengal Tiger) pahnih a lak belh leh ta.

Heng sakei pahnih la tur hian Aizawl Zoological Park Range Officer, Pu Immanuel-a leh Vety Officer, Dr. Rosangzuali Chhakchhuak te kaihruaiin mi paruk an kal a. Aizawl aitangin ni 21.03.2023 zingah chhuakin ni 24.03.2023 zingah Bhubaneswar an thleng thla a, sakei phurhna tur engkim an ruahman fel vek hnuin ni 27.03.2023 khan Nandankanan Zoological Park rawn chhuahsanin ni 31.03.2023, Zirtawpni khan Aizawl Zoological Park an rawn phur thleng ta a ni.



Tun tuma sakei lak tharte hi a nu leh a pa a ni a, a pa hi a hming Kundan niin a nu hi Adyasha a ni ve thung, inthlah pung thei tura beisei an ni.

Heti hian tun dinhmunah Aizawl Zoological Park-ah hian Sakei pathum an awm ta a ni.



LUNGLEIAH INTERNATIONAL DAY FOR BIOLOGICAL DIVERSITY PUALIN HUN HMANG

Ni 22 May, 2023 khan International Day for Biological Diversity pualin Lungleiah hun hman a ni. He hun hi Baptist Higher Secondary Schoolah hman a ni a, Lunglei DFO Pu PC Lalchhandama'n Power point presentation hmangin zirlaithe hnenah nungcha tinrengte pawimawhna leh inlaichinnate a sawifiah. Lunglei DFO chuan ramngaw leh nungcha hrang hrangte chu Pathianin kan chenpui tur leh kan tana ṭangkai tura a siam an nih thute, thil nung chi hrang hrangte chu hna chi hrang hrang thawk tura duan an nih avangin eng emaw an tam flurh a, eng emaw an tlem leh si chuan an inbuk tāwk loh avanga chhiatna nasa tak a thlen theih thute leh tun maia an ṭangkaina kan hriat lohte pawh hi hna pawimawh tak min thawsaktu an lo nih reng theih thu sawiin kan tana ngawi renga min thawsaktu ramngaw leh a chhunga cheng nungchate kan duat a, kan humhalh zel hi kan damkhawchhuah nan tihmâkmawh a nih thu a sawi.

He hun hi Pu R Zosangliana, Principal, Baptist HSS chuan a kaihruai a, Pu Vanlalzarzoliana, Lunglei Forest Range RO-in lawmthu a sawi bawk. Zirlai leh zirtirtu 150 vel an tel a ni.



EF&CC DEPARTMENT, FOREST TRAINING SCHOOL-IN CONVOCATION VAWI 23-NA HMANG

Ni 12th April, 2023 khan Forest Training School, Bethlehem Vengthlang chuan Forest Guard leh Forester thla ruk (6) Training an zawn denchhenin 23rd Convocation hman a ni a. Pu RK Singh, PCCF (HoFF), EF&CC Department chuan khuallian niin he Convocation hi a hmanpu. Pu R. Lalhungreng, Principal, Forest Training School chuan Convocation programme hi kaihruaiin, Autonomous District Council pathum (CADC, MADC leh LADC) aṭangin mi 10 theuh leh Tlabung Forest Division aṭangin mi pakhatin training pass chhuakin Certificate hlan nghal an ni a. An vaiin pass chhuak te hi Forest Guard mi 18 leh Forester mi 13 te an ni.



Forest Training School hikum 1974 November thlaah din ṭan a niin, Forester leh Forest Guard te training pek ṭhin a ni a. Forest Training School din tīrh aṭangin Forester mi 305 leh Forest Guard mi 643 train chhuah tawh an ni. State chhunga Forest Training Institution awmchhun niin, Directorate of Forest Education te nen ṭangkawpin Officer thawk mekte tan Refresher Training Course leh Online Training te pawh buatsaih ṭhin a ni bawk.



ALL INDIA FOREST SPORTS MEET VAWI 26-NA

Ni 10-14 March, 2023 khan All India Forest Sports Meet vawi 26-na chu Tau Devi Lal Sports Complex, Panchkula, Haryana-ah neih zawk a ni. He Forest Sports Meet-ah hian inelna hrang hrang neih niin, sport discipline 34-ah, infiammi 2500 chuang an tel a, Mizoram EF&CC Deptt. atangin mi 16 an chhuak a. Gold Medal-3, Silver Medal-5 leh Bronze Medal -4 lain, team 37 zingah 14-na an hauh pha a ni.

Medal latu te leh an Medal lak dan chu hetiang hi a ni:-

S.No	Event/ Sub-Event	Name of Participants	Remarks
1.	RIFLE SHOOTING		
	(i) 50 M Open Rifle Prone (Men's Open)	Shri.Jerry Lallawmsanga	Gold
	CARROM		
	(i) Women's Singles (Open)	Smt. JH Laltharliani	Gold
	(ii) Mixed Doubles (Open)	Smt. JH Laltharliani & Shri. Lalchhuanawma	Gold
2.	(iii) Women's Singles (Veteran)	Smt. JH Laltharliani	Bronze
	(iv) Women's Singles (Sr. Veteran)	Smt. JH Laltharliani	Silver
	(v) Women's Doubles (Open)	Smt. JH Laltharliani & Smt. Lalmuanchhani	Bronze
	TABLE TENNIS		
3.	(i) Men's Singles (Open)	Shri. C.Vanlaluata	Silver
	(ii) Men's Doubles (Open)	Shri. C.Vanlaluata & Shri. PC Laltanpuia	Silver
	(iii) Women's Singles (Open)	Smt. H.Lalrinawmi	Bronze
	(iv) Women's Doubles (Veteran)	Smt. R.Lalbiaknungi & Smt. R.Zodinpuii	Bronze
	(v) Women's Doubles (Sr. Veteran)	Smt. R.Lalbiaknungi & Smt. R.Zodinpuii	Silver
	(vi) Mixed Doubles (Open)	Shri. C.Vanlaluata & Smt. H.Lalrinawmi	Silver



**DIRECTOR GENERAL OF FOREST &
SPECIAL SECRETARY, GOVT OF INDIA-IN
MIZORAM RAWN TLAUH**

Ni 11th May, 2023 khan Pu Chandra Prakash Goyal, Director General of Forest & Special Secretary hovin mi dang pahnih; Pu Ramesh Kumar Pandey, Inspector General of Forest leh Pu Prakash Kumar Tamrakar, Director te Ministry of Environment, Forests & Climate Change, Govt of India atanga lo kalte kaihhruaiin AGMUT (Arunachal Pradesh, Goa, Mizoram leh Union Territories) huam chhung bik tana Joint Cadre Authority(JCA) chu an thukhawm a. Hetah hian Indian Forest Service Officer promotion chungchang leh posting chungchang bakah hemi kaihnawih thil hrang hrangte an ngaihtuah a ni.

May ni 12, Zirtawpni chawhma khan Pu Chandra Prakash Goyal, Director General of Forest & Special Secretary leh a rawn kalpui te hi EF & CC Department, Mizoram-a Forest Officer-te-nen Chief Wildlife Warden Office Conference Hall-ah inkawm hona nein, thil chi hrang hrang an sawipui nghal a. Mizoram chhunga hmialakna hrang hrang report te an hrilh hnuin Mizoram-a Forest Officer indaih lohna nasa tak a awm thu leh IFS Officer mamawh belh a nih thu te a hnenah hian thlen a ni a, hengte hi a theih ang anga lo ngaihtuahpui a tum thu a sawi. Heng bakah hian Mizoram mamawh hrang hrang Ministry-a thlen chungchangah hma min laksak tura ngen a ni a, theih tawp chhuah a hma min lakpui a tum thu a sawi a ni.

Inkawmkhawmna an neih zawh hnu hian Aizawl Zoological Park, Sakawtuichhun ami chu fanpui an ni nghal bawk.



**WII LEH EF&CC DEPARTMENT TANG KAWP
WORKSHOP BUATSAIH A NI**

Wildlife Institute of India leh Mizoram Environment, Forests & Climate Change Department tang kawpin an buatsaih Workshop on Illegal Wildlife Trade, Wildlife Forensic leh Handling of Confiscated Wildlife tih chu nimin March ni 20 & 21 khan Chief Wildlife Warden Conference Hall, New Secretariat Complex Road-ah neih a ni. Nimin lama a hawnna inkawm hi Pu RK Singh, PCCF, HoFF chuan hmanpuin thu a sawi a. Tun hnaiah dan kalha nungcha hmanga sumdawnnain Mizoram a rawn tih buai ve tak fo thu leh tun tuma Wildlife Institute of India atanga mithiam lo kal ten Mizoram Forest Officer-te hetiang hun an rawn hmanpu thei lawmawm a tih thu leh Mizoram pumpui tan thil tha tak a nih ngei a beisei thu a sawi.



He Workshop hmanpuitu mi thiamte hi Dr Lallianpuii Kawlni, Scietist D leh Dr CP Sharma, Forensic Expert, Wildlife Institute of India, Dehra Dun atanga lo kal an ni a, anni pahnih leh Pu C Lalrinmuana, DCF, Lawngtlai leh Pu Lalnunngila DFO (Rtd) ten Mizoram Forest Officer mi 30 chuang kalkhawmte chu thupui thlan bik chi hrang hrang pasarih (7) an zirpui a, chu bakah wildlife crime chungchangah a theih ang angin a lem nen enpui chung zelin chiang takin zirtirna an pe a ni. He workshop tel officer hrang hrangte pawhin a theih chin chinah practical thei ang berin an zir hlawm.



EF&CC MINISTER, PU TJ LALNUNTLUANGA'N CHIEF WILDLIFE WARDEN OFFICE A HAWNG

April ni 23, Ningani khan Pu TJ Lalnuntluanga, Minister, Environment, Forests & Climate Change Department changtu chuan New Secretariat Complex Road-a Chief Wildlife Warden Conference Hall-ah senior officers meeting a hmanpui a, he meeting-ah hian Department hmalakna hrang hrang thlir ho chungin hmalakna tura ruahmante an sawi ho nghal bawk. EF&CC Department hnuia officer-te an kim tha hle a ni. He meeting kaihuaitu, Pu RK Singh, PCCF (HoFF) chuan Minister hova meeting an neih theih avanga an lawm thu sawiin tih tak zeta department hmalakna hriatpuia ngaihsaktu Minister an nei chu a vanneihthlak hle a ni, a ti.



He meeting-ah hian Green India Mission (GIM) chungchang leh hemi hnuia Agro-Forestry chu kuthnathawk (Farmer) te'n nasa zawka an hman tangkai theih dan tur te, JICA Project hmachhawp chungchang te, ram kang a lo tlem theih nana hma lak dan tur te, Forest Clearance leh thil danga dan bawhchhiatna awm thei chungchang bakah thil dang pawimawh tak tak an sawi ho.



He meeting neih hma hian Minister chuan Chief Wildlife Warden Office sak thar chu a hawng nghal bawk. He building hi kum 2016-17 atanga sak tan a ni tawh a, sak zawh apiang sorkar sum renchem nan luah nghal zel a ni a, tunah hian a pum puia luah theihin

Minister hian a hawng a ni. Ministry hmasate'n bul an lo tan tawh a ni a, tun ministry-a sak chhunzawm a ni. He building atana tha leh zung lo sêng tawhtute hnенah lawmthu a sawi a, Department-in hma kan sawn zel a, kan mi hmasa - minister te, officer te theihtawpa hma an lo lak tawhnaah lawmthu a sawi bawk. Kan ramin hma a sawn zel nan beiseina thar nei turin a sawm bawk. He building-ah hian motor dahna tur pawh siam tel nghal a ni.



He meeting tawp lamah hian All India Forest Sports Meet, March ni 10-14, 2023 chhunga Tau Devi Lal Sports Complex, Panchkula, Haryana-a neih taka Mizoram aiawha kal mi 16 te hlawhtlinna pawh Pu TJ Lalnuntluanga hian a lawmpui nghal a. He sports meet-ah hian India ram state leh institution hrang hrang atangin Team 37 lai an tel a, Mizoram Forest aiawha kal mi 16 chauhte hian hian Gold Medal - 3, Silver Medal - 5 leh Bronze Medal - 4 an la a, a pumpuiah point 42 hmu-in 14-na hial an ni thei chu Minister hian fakawm a tih thu a sawi bawk. He Sports Meet-a kalte hi Pu RK Singh, PCCF(HoFF) leh Pu PC Laltanpuia, DCF(Hqrs.) ten an ho a ni.



INTERNATIONAL DAY FOR BIODIVERSITY 2023

MINISTER-IN HMANPUI

Ni 22 May, 2023 khan Environment, Forest and Climate Change Minister Pu TJ Lalnuntluanga chuan International Day for Biodiversity 2023, IASE Auditorium Republic Veng a neih chu a hmanpui.

He International day for Biological Diversity lawmnaah hian EF&CC Minister Pu TJ Lalnuntluanga chuan thusawiin International Biodiversity Day chu kan khawvel sik leh sa inhlak danglam chho zel leh nungchate dinhmun en hian Khawvel a hun pawimawh ber pawl a ni, a ti a. Khawvel ah thiamna a sang chho zel a, amaherawhchu kan environment lah NASA takin a inhlak danglam a, hei vang hian, hmasawnna leh environment humhalh hna chu in su buailo a, a kalkawp theih nan thiamna sang tak bakah moral dik kan neih a pawimawh a ni, a ti.

Pu TJ Lalnuntluanga chuan mi thenkhat in thil a chhe lai ringawt sawiin a tha lam zawng kan hmuh hmaih leh thin chu pawi a tih thu a sawi a. Kan rama thing leh mau leh nungchate enkawl na kawngah pawh Forest Department leh Environment pawl chi hrang hrang te in hma chak takin an la a, Biodiversity Board te din niin, Forest act hrang hrang leh lui tui humhalh kawngah pawh dan mumal tak kan nei a, hemi kawnga hmasawnna pawh a kal chho zel a ni, a ti. Minister chuan environment leh Biodiversity enkawl hna chu sawrkar, pawl leh mimal thawhhona a pawimawh takzet a, chuvang chuan Mizoram hi ram nuam zawka kan siam theih nan kan za a kan mawhphurhna theuh te hria a kan tanrua a ngai a ni, a ti bawk.

International Day for Biological Diversity day lawmnaah hian Pu RK Singh IFS, Principal Secretary & PCCF Mizoram state Biodiversity Board Chairman chuan thu kamkeuna sawiin Biodiversity humhalh pawimawh zia leh a enkawl zui dan tur chu kan in hrilh chhawn zel a pawimawh a ni, a ti. Prof. Lallianzuali Fanai, IASE Principal pawh in lawmna thu sawina a nei a, Prof. John Thanzama, Bio-technology Head of Department, Mizoram University in PowerPoint presentation a pe a, Biodiversity chi hrang hrang species diversity, genetic diversity, ecosystem diversity chungchang leh Mizoram-a biodiversity Conservation lama kan mamawh thil pawimawh tak tak te tarlangin kalkhawmte zirtirna a pe a ni.

EF&CC Minister hian Biodiversity day denchhen a Painting leh quiz competition lawmman semma a nei nghal a; Painting competition ah hian Lalchhanhimi Hnamte, Mount Carmel Higher Secondary School Aizawl chu Pakhatna niin Lalpekmawii Chawngthu leh C Vanlalremruati MICE chu quiz competition ah pakhatna an ni thung a ni.

International Day for Biological Diversity hi kum tinin May 22 ah hman thin a ni a, kumin atan hian

'From Agreement to Action: Build Back Biodiversity' tih chu thupui(theme) atana thlan a ni. Program ah hian EF&CC Minister bakah Pu RK Singh, Principal Secretary & PCCF, Pi Lallianzuali, Principal IASE, Mizoram State Biodiversity Board Ex Officio leh expert Member te, Biodiversity Management Committee te, EF&CC Department Officer leh staff te, IASE students leh Staff te leh Environment NGO hrang hrang te an tel a ni.

MINISTER PU T.J. LALNUNTCLUANGA'A GREEN GAC DAY PROGRAMME A HAWNG

June ni 12, 2023, Thawhjanni khan EF&CC Minister Pu T.J. Lalnuntluanga chuan Green GAC Day, 2023 chu Govt. Aizawl College, Mualpui Campus-ah hawngin, Pu Lalbiakzuala, Principal chuan lo dawngsawngin, Green GAC Day hawnna hi College Conference Hall-ah neih a nih hnua Minister hian hemi ni pual hian Campus chhungah thing a phun nghal a ni.

Minister Pu TJ Lalnuntluanga chuan kan chenna leh kan chhehvel vawnhim kawnga thil pawimawh tak thing phun ngai pawimawh a, Green GAC Day buatsaih a ni chu Govt. Aizawl College hotute chungah lawmthu sawiin an remhria a tih thu a sawi a. Mizoram sawrkar chuan Kum 1999 atangin Green Mizoram Day chu June ni 11-ah hmangin tun kumah erawh June ni 9 ah District hrang hrangah Department hrang hrangten hlawhtling taka hman a ni, a ti a.

Tlawmngai pawl, ḫhalai leh zirlaite thinlungah thingphun pawimawhzia a thawk na em em a, hma pawh Zoramin a sawn NASA a, forest cover 84.5% hial kan lo nei ta a ni tiin a sawi a. Govt. Aizawl College campus chhunga thing phun hian rah ḫha tak chhuah se, kan thing phunte enkawl zuia awmze neia phun a ngaih thu sawiin, tui hna a lo pun a, boruak thiaghlim kan neih nan bakah Sava leh ramsa te chenna tur ramngaw kan siam zel kawngah a sulsutu ni se, campus chhung boruak thiaghlim leh ḫha bakah Aizawl chawm tur boruak ḫha siamtu thingphun uar zel turin leh enkawl zui turin zirlai kalkhawmte a sawm a ni.

Minister chuan kan rama boruak ḫha leh thiaghlim hi sum thawhchhuah nan kan hmang thei a ni tih hria a, khawvelin a buaipui em em 'carbon credit' hmangin ram hmasawnna tur sum kan thawkchhuak thei a ni tih hre thar ila, tha thlah lovin thingphun uar leh enkawl zui chungchangah ḫan la sauh sauh turin leh tluang taka Green GAC Day, 2023 puala kalkhawm zirlai leh college zirtirtu zawng zawng hnena duhsakna a hlan a ni.

GAC Principal Pu Lalbiakzuala pawhin thu tawi sawiin EF&CC Minister-in a chah anga thing phunte chu enkawl zui an nih tur thu sawiin, hemi kawngah hian NCC ten mawhphurhna an lak tur thu a tar lang bawk a ni.

April - June, 2023

Green GAC Day-ah hian thing chi hrang hrang kung 200 chuang phun a ni dawn a ni.

Govt. Aizawl College, Mualpui Campus-ah hian zirlai 2260 vel awmin, teaching staff 60 leh non-



teaching staff 20 vel an awm a. Mualpui Campus bakah Sikulpuikawnah Campus neiiin, BA bakah Education Department-ah MA zirna a awm a. Mualpui Campus hi kum 2021-ah luah tan a ni a, nature park te pawh siam a ni.



**NI 22ND MAY, 2023-A
INTERNATIONAL DAY FOR BIOLOGICAL DIVERSITY, 2023
Kawrthah Forest Division-in an hmanna
thlalak thenkhat**



TRANSFER AND POSTING, PROMOTION

NAME	RANGE OFFICER
1. F. Vanlalsawma	Range Officer, Mamit Forest Range under Mamit Forest Division.
2. Vanlaluata Zote	Range Officer, Lengpui Forest Range under Mamit Forest Division
3. Vanlalpeka	Range Officer, Seling Forest Range under Aizawl Forest Division
4. Lalringliana	Range Officer, Kawnpui Forest Range under Kolasib Forest Division
5. Vanlahluna	Range Officer, Zamuang Forest Range under Kawkthah Forest Division
6. P.C. Lalchhuanawma	Range Officer, Pualreng Wildlife Sanctuary under Aizawl Wildlife Division
7. C. Zomuana	Range Officer, Khawruhlian Forest Range under Darlawn Forest Division
8. Lalsangpuia Pachuau	Range Officer, Serchhip Forest Range under Thenzawl Forest Division.

TRANSFER AND POSTING OF IFS OFFICER

	Name and Batch of the Officer	Date of Joining the Cadre	From	To
1.	Shri Umakant (AGMUT:1996), APCCF	31.03.2023	Under-Posting	Goa
2.	Shri N.C. Saravanan (AGMUT:2002), CCF	03.04.2023	Under-Posting	Mizoram
3.	Smt. Arti Chaudhary (AGMUT:2002), CCF	03.04.2023	Under-Posting	Mizoram
4.	Shri P. Viswakannan (AGMUT:2003), CCF	01.05.2023	Under-Posting	NTC of Delhi

TRANSFER AND POSTING OF MFS OFFICER

Pu C. Lalthankima, DFO Tlabung chu May ni 30-a a pension tâk avangin Pu Solai Azyu, WPO South chu DFO Tlabung atan sawn a ni. WPO South hi Pu P.C. Lalchhandama, DFO Lunglei a hmui rih ang.

PROMOTION

Heng a hnuia kan thawhpui UDC-te hi Assistant-ah an kaisang a, an awmna hmun pawh an hming zâwnah tarlan a ni.

1. Pi R. Lalropari	PCCF - PCCF
2. Pi C. Lalherliani	PCCF - CCA, Account & Treasuries
3. Pi C. Lalrotluangi	CMO - CF (SC) Lunglei
4. Pu H. Lalhmunsanga	DFO, N. Vanlaiphai - P&E Maicham

NUNGCHA LEH A PHURTU MAN A NI

July ni 1, Inrinni khan sava 8 lai phurtu F. Lalchhuanawma s/o F. Laltpuia, Melbuk Skul Veng, Champhai District-a mi chu a car Hyundai Registration No. MZ 04A 5716 nen Seling khawtlang duty-te tanpuinaa man a ni a. Pu Vanlalpeka, R.O. Seling chuan Magistrate Court, Aizawl a thlen nghal a, Pu H.T. Lalmawizuala, Judicial Magistrate, 1st Class, Aizawl chuan a lo dawngsawng a ni. Magistrate thupek angin sava 8 hi Aizawl Zoo-ah dah a ni a, a phurtu F. Lalchhuanawma, Melbuk hi Central Jail-ah dah luh nghal a nih bakah, a phurhna motor car pawh hrênsak a ni bawk.

July ni 14-ah a chungchang ngaihtuah leh tura Court hmaa inlan leh tur a ni ang.

Tun ȳuma dan phal loh nungcha man hi Wildlife (Protection) Amendment Act, 2022 Mizoram a nih hnuia Case awm hmasa ber a ni. He Wildlife (Protection) Amendment Act, 2022 dan hi a khrin a bawhchhetu tan hremna a nat êm avangin mi tin nungcha chunga kan fimkhur a ȳul tak zet a ni.


SUNNA



Pu F. Lalnunhlima (34)
Forest Ranger, Vairengte
Thih ni : 09.06.2023



Tv. Lalhmunliana
Wildlife Guard, Tawi
Thih ni : 08.06.2023



Pu R. Liana
Chowkidar, Lawngtlai
Thih ni : 04.05.2023



Pu P.C. Vanlalthlanga (59)
R.O, Cherhlun
Thih ni : 09.06.2023



Pu Zarzoliana (57)
P. Mali, Kawrthah
Thih ni : 15.05.2023



Pu Zoramchuana (58)
Ward-Staff Cleaner
Thih ni : 23.03.2023

PENSION

March - June thla chhungin a hnuai a kan thawhpuite hian Superannuation Pension-in min chhuah-san leh ta a, kan uïin kan ngai hlawm em em a ni.

S.No. Hming	Pension Ni	S.No. Hming	Pension Ni
1. C. Lalremsiama, Forester	30.04.2023	7. Lalrawna, Forester	30.05.2023
2. Lalrintluanga, Sweeper	30.04.2023	8. Lalhazova, Forester	30.05.2023
3. Lalzirliana, Forester	30.04.2023	9. Laltlanlian, Peon	30.05.2023
4. R. Lalthantluanga, Deputy Ranger	30.04.2023	10. ZD. Lalramhluna, Driver	30.05.2023
5. C. Lalthankima MFS, DCF/DFO	30.05.2023	11. Lalluanga, Deputy Ranger	30.06.2023
6. Lalchungnunga, Forester	30.05.2023		